

Maromak haruka Moisés ba rai-Ejitu

ÊXODO (KELUARAN) KAPÍTULU 3-12



JEOVÁ KO'ALIA BA MOISÉS
LIUHUSI ANJU IDA.



HA'U MAK
NE'E.

HA'U MAK Ó-NIA BE'IALA
NIA **MAROMAK**. HA'U-NIA POVU,
EMA IZRAËL, HASORU **TERUS**
IHA RAI-EJITU. HA'U HAKARAK
HARUKA Ó BA KO'ALIA HO
FARAUN. Ó SEI LORI HA'U-NIA
POVU SAI HUSI RAI-EJITU.


MOISÉS NO NINIA MAUN, AARÃO BÂ ATU
HASORU **FARAUN**.

JEOVÁ DEHAN:
"HARUKA HA'U-NIA
POVU SAI HODI SIRA
BELE SERBÍ HA'U IHA
RAI-FUIK."

SÉ MAK JEOVÁ?
HA'U SEI LA HARUKA
EMA IZRAËL SAI.

AARÃO MÓS HALO **MILAGRE** IHA FARAUN NIA OIN ATU HATUDU KATAK
MAROMAK MAK HARUKA SIRA MAI. (HAREE ÊXODO [KELUARAN] 7:8-13.)

MAIBÉ FARAUN **ULUN-TOOS** NO LAKOHI HUSIK
JEOVÁ NIA POVU SAI HUSI RAI-EJITU.



TUIRMAI, JEOVÁ FÓ SUSAR
SIA BA RAI-EJITU.

BEE IHA MOTA NILO SAI FALI RAAN.

MANDUKU SIRA MOSU IHA RAI TOMAK.

SUSUK HATERUS EMA
NO ANIMÁL.

LALAR BOOT BARAK TEBES TAMA
UMA SIRA NO ESTRAGA RAI NE'E.

ANIMÁL BARAK MATE TANBA MORAS.

FISUR DODOK KONA EMA EJITU NO
SIRA-NIA ANIMÁL.

UDAN HO JELU-FATUK NO AHI OHO EMA NO
ANIMÁL BARAK NO ESTRAGA TO'OS.

GAFANOŌTU HAN BUAT HOTU NE'EBÉ UDAN
HO JELU-FATUK SEIDAUK ESTRAGA.

NAKUKUN TAKA RAI-EJITU
DURANTE LORON TOLU.

MAIBÉ FARAUN ULUN-TOOS NAFATIN
NO LAKOHI HUSIK EMA IZRAËL SAI.

DALA IDA TAN MOISÉS NO
AARÃO BĀ HASORU FARAUN.

JEOVÁ DEHAN: "HA'U SEI
FÓ-MALISAN IDA TAN BA
RAI-EJITU. IHA KALAN
FAHE-RUA OAN-MANE
PRIMEIRU HOTU SEI MATE."

IHA KALAN NE'E DUNI, JEOVÁ HARUKA NINIA ANJU
ATU OHO **OAN-MANE PRIMEIRU** HOTU HUSI EMA
EJITU NIA UMAKAIN HOTU . . .

FARAUN NIA OAN-MANE MÓS MATE
(HAREE SALMO [MAZMUR] 78:49-51.)

BĀ, BĀ SERBÍ
JEOVÁ HANESAN
IMI HUSU ONA.

IKUSMAI, EMA IZRAÉL HOTU BELE **SAI**
HUSI RAI-EJITU.

MAIBÉ EMA IZRAÉL SEIDAUK LIVRE. OINSÁ MAK JEOVÁ
PROTEJE SIRA BAINHIRA SIRA HASORU TAN PERIGU?
LEE ISTÓRIA HO DEZEŃU TUIRMAI ATU HETAN RESPOSTA.

SAIDA MAK ITA APRENDE HUSI ISTÓRIA NE'E?

TANBASÁ MAK FARAUN **LAKOHI RONA** BA
MOISÉS NO AARÃO?

XAVE: ÊXODO (KELUARAN) 9:17;
SALMO (MAZMUR) 66:6, 7.

OINSÁ MAK MOISÉS **LA HANESAN** HO FARAUN?
XAVE: NÚMEROS (BILANGAN) 12:3.

TUIR ITA-NIA HANOIN, TANBASÁ DĪAK LIU ATU
HATUDU HAHALOK **LARAN-MAUS** DUKE
HAHALOK FOTI-AN NO ULUN-TOOS?

XAVE: SALMO (MAZMUR) 37:11;
ZACARIAS (ZAKHARIA) 7:8-12.